

Komisioni për Mbrojtjen e Konkurrencës në bazë të nenit 28 dhe nenit 19 paragrafi (1) pika 2) të Ligjit për mbrojtjen e konkurrencës ("Gazeta zyrtare e Republikës së Maqedonisë" nr. 145/10, 136/11, 41./2014, 53/ 16 dhe 83/18), duke vepruar sipas një njoftimi për përqendrim të parashtruar nga **DOLIT INVESTMENTS A.D. E THEMELUR NGA NJË PERSON**, me seli në Bulevardin Pentelis nr. 103, Çalandri, 152 34, Atiki, Greqi, përmes Shoqërisë së Avokatëve Georgi Dimitrov Avokatë nga Shkupi, në seancën e mbajtur më 22.02.2023, solli

#### **AKTVENDIM**

Vërtetohet se përqendrimi me të cilin shoqëria **DOLIT INVESTMENTS A.D. E THEMELUR NGA NJË PERSON(DOLIT INVESTMENTS SINGLE MEMBER S.A.)**, me seli në Bulevardin Pentelis nr. 103, Çalandri, 152 34, Atiki, Greqi, do të fitojë kontroll të pavarur të drejtpërdrejtë mbi **PAVLIDIS A.D. MERMER - GRANIT (PAVLIDIS S.A. MARBLE – GRANIT)**, me seli në Zonën Industriale Drama, kodi postar 66100, Greqi, me anë të blerjes së aksioneve, edhe pse është në kuadër të dispozitave të Ligjit për mbrojtjen e konkurrencës, nuk do të ketë për pasojë parandalimin, kufizimin ose çrregullimin e konsiderueshëm të konkurrencës efektive të tregut ose pjesës së tij thelbësore, sidomos si rezultat i formimit apo forcimit të pozitës dominuese të pjesëmarrësve dhe si i tillë **është në përputhje me dispozitat e Ligjit të mbrojtjes së konkurrencës në kuptim të nenit 19 paragrafi (1) pika 2) të Ligjit për mbrojtjen e konkurrencës.**

Parashtruesi i njoftimit të përqendrimit obligohet të paguajë taksë administrative për njoftimin e përqendrimit në shumë prej 6.000,00 denarë. dhe për aktvendimin në shumën prej 30.000,00 denarë, sipas numrit tarifor 34 të Ligjit për taksë administrative ( Gazeta zyrtare e Republikës së Maqedonisë nr. 17/93, 20/96, 7/98, 13/01, 24/03, 19/04, 61/04 dhe 95/05, 7/06, 70/06, 92/07, 88/08, 130/08, 6/10, 145/10. 17/11) në llogarinë e Buxhetit të Republikës së Maqedonisë së Veriut nr. 100000000063095, llogarinë e pagesës 840.....03161, shifrën e të ardhurave dhe programin 72231300.

Padia për ngritjen e kontestit administrativ nuk e prolongon përmbardimin e aktvendimit.

#### **Arsyetim**

Në përputhje me nenit 15 të Ligjit për mbrojtjen e konkurrencës më 24.01.2023, plotësuar më 06.02.2023 në Komisionin për Mbrojtjen e Konkurrencës (në tekstin e mëtejshëm: Komisioni), është dorëzuar njoftim për përqendrim nga **DOLIT INVESTMENTS A.D. E THEMELUR NGA NJË PERSON(DOLIT INVESTMENTS SINGLE MEMBER S.A.)**, me seli në Bulevardin Pentelis nr. 103, Çalandri, 152 34, Atiki, Greqi, me të cilin **DOLIT INVESTMENTS A.D.** synon të fitoj kontroll të pavarur të drejtpërdrejtë mbi **PAVLIDIS A.D. MERMER - GRANIT**, me seli në Zonën Industriale Drama, kodi postar 66100, Greqi, me anë të blerjes së aksioneve.

Komisioni filloi me shqyrtimin e Njoftimit në ditën e pranimit të tij dhe në bazë të të dhënave të dorëzuara në Njoftimin e Përqendrimit, shtesave dhe bashkëngjitjeve në të, përcaktoi si më poshtë:

### **Aktivitetet themelore të biznesit të ndërmarrjeve të përfshira:**

**DOLIT INVESTMENTS A.D.** është një shoqëri e regjistruar në Republikën Helenike (Greqi), aktiviteti kryesor i së cilës është investimi në shoqëri tregtare të vogla dhe të mesme që operojnë në sektorin e burimeve natyrore, energjetikë dhe burimeve minerale. DOLIT INVESTMENTS A.D. është pjesë e Grupit ECM, ku shoqëria udhëheqëse është shoqëria ECM Partners Inc., një shoqëri e regjistruar në përputhje me ligjet e Republikës së Sllovenisë, e cila merret me menaxhimin e investimeve, menaxhimin e fondeve dhe menaxhimin e riskut të investimeve, dhe është një nga pjesëmarrësit e parë dhe më të mëdhenj në këtë treg në territorin e Evropës Qendrore dhe Juglindore.

Para realizimit të Transaksionit, blerësi nuk është i pranishëm drejtpërdrejt ose tërthorazi në tregun maqedonas.

**PAVLIDIS A.D. MERMER - GRANIT** është themeluar si një shoqëri Holding, shoqëritë bijë të së cilës janë të fokusuara në aktivitete biznesi në fushën e burimeve minerale. Shoqëria e synuar, gjegjësisht shoqëritë e grupit të saj, merren me në shfrytëzimin, prodhimin dhe shitjen e mermerit (kryesisht i bardhë), granitit dhe kuarcit. Një pjesë më e vogël e aktivitetit të Shoqërisë së synuar si Grup, në vitet e fundit përfshin aktivitete biznesi që lidhen me burimet e rinovueshme të energjisë.

Shoqëria e synuar është e pranishme në tregun maqedonas përmes shoqërisë së varur = Shoqëria aksionare për prodhimin, përpunimin, tregtimin dhe montimin e gurit dekorativ MERMEREN KOMBINAT SHA Prilep, me seli në rr. Lece Koteski nr. 60A në Prilep dhe NUAS 4058615. Veprimtaria prioritare e MERMEREN KOMBINAT SH.A. Prilep është 08.11 – Nxjerrja e gurit dekorativ dhe gurit për ndërtim, gëlqeres, gipsit të papërpunuar, shkumësit dhe rrasave, dhe shoqëria kryesisht merret me eksploatimin, prodhimin dhe shitjen e mermerit dhe produkteve të mermerit.

Komisioni konstatoi se përqendrimi i parashtruar bie nën dispozitat e Ligjit për Mbrojtjen e Konkurrencës, sepse i plotëson kushtet e nenit 12 paragrafi (1) pika 2) dhe nenit 14 paragrafi (1) pika 1 dhe pika 2)) të Ligjit për Mbrojtje të Konkurrencës.

Komisioni, duke marrë parasysh kriteret e nenit 17 paragrafi (2), paragrafi (3) dhe paragrafi (4) të Ligjit për mbrojtjen e konkurrencës dhe pikën 6 (b) të *Udhëzimeve për përcaktimin e rasteve në të cilat gjatë vlerësimit të përqendrimeve, Komisioni për Mbrojtjen e Konkurrencës zakonisht përcakton se të njëjtat janë në përputhje me Ligjin për mbrojtjen e konkurrencës*, vlerëson se përqendrimi i parashtruar, edhe pse bie nën dispozitat e Ligjit, është në përputhje me të, sepse nuk do ketë në masë të konsiderueshme pengimin, kufizimin ose prishjen e konkurrencës efektive të tregut ose të pjesës qenësore të tij , veçanërisht si rezultat i krijimit ose forcimit të pozitës dominuese të pjesëmarrësve

Duke pasur parasysh këtë vlerësim të përqendrimit, Komisioni vendosi si në dispozitiv të këtij Aktvendimi, në përputhje me nenin 19 paragrafi (1) pika 2) të Ligjit për mbrojtjen e konkurrencës.

Sipas Nenit 53 paragrafi (2) të Ligjit për mbrojtjen e konkurrencës padia nuk e prolongon zbatimin e aktvendimit.

## **Udhëzim për mjetin juridik**

Kundër këtij aktvendimi mund të parashtrahet padi për inicim të kontestit administrativ në Gjykatën Administrative të Republikës së Maqedonisë në afat prej 30 ditësh nga dita e dorëzimit të tij.

**KRYETAR**  
**I KOMISIONIT PËR MBROJTJEN E KONKURENCËS**  
**Prof. Dr. Владимир Наумовски**